



**Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1682**

14. Dies Iulii. Prudentia, est recta ratio agendorum. Aristoteles I. 6. Ethic.  
cap. 5.

---

---

**Nutzungsbedingungen**

[urn:nbn:de:hbz:466:1-55659](#)

prudentia. Quomodo enim justus reddet cuique suum, nisi Prudentia commonstret, quid, cui debetur? Potes tuto incedere quoctunque calle, praeunte hac duce: cum illa, securus vadis etiam inter vadis, cautus inter cautes: nunquam, illâ comitante, cades. Suffragatur mihi Poëta:

*Non de ponte cadit, qui cum prudentia vadit.*

#### 14. DIES IULII.

Prudentia, est recta ratio agendorum. *Aristoteles.*

*6. Ethic. cap. 5.*

Quid sit I.  
Pruden-  
tia.

**Q**uam paucis, quam multa  
Est primum, Recta ratio, id  
est, certum & liquidum ju-  
dicium de singulis rebus, quæ  
agendæ, aut omittendæ proponuntur. Hinc erit  
objectum ejus materiale, esse actiones omnes hu-  
manas, sive quæ à libera hominis voluntate profici-  
cuntur. Formale vero objectum, est honestas objec-  
tiva, ex actione medium inter excessum, & defectum  
tenente, progerminans. Quia sola honestas, est velut  
album, in quod collimat insomni oculo, & perspi-  
caci intuitu prudentia; cum circâ materiam nego-  
tiatur, & ejus mediocritatem sollicitè rimatur. Est  
honestas & aliarum virtutum moralium objectum  
formale, sed hoc discrimine, quod sit aliarum, prout  
est bonitas quædam: respectu vero Prudentiae prout  
est veritas. Cum enim Prudentia sit virtus intellectus,  
necessariò semper tendit in verum; idque non spe-  
culativum, sed practicum. Unde concludendum est,  
in thesauro illo copiosissimo virtutum moralium,  
nullam gemmam esse pretiosiorem; atque inter do-

tei

tes animi Christiani, Prudentiam videri donum maximum, & pulcherrimum divinitatis.

II. Quærit Philo, cur primo loco ponatur Prudentia, ut Princeps cæterarum; quam honoris veluti causâ, hinc fortitudo, indè temperantia sequantur? Cujus rei, summo ingenio rationem excogitavit. Ait enim, tres humanæ animæ esse partes: Rationalem, in capite, ubi ratio dominatur: Irascibilem in pectore, ubi calidi ardor sanguinis cor amabit: Concupisibilem, in inguine, quæ pars inferior est corporis, esse collocatam. Jam ergo, pro ratione partium corporis, atque ordine à Deo sapienter collocato, virtutum eximia dignitas cognoscitur. Prudentia, ut Domina Rationis, & Gubernatrix Consiliorum præsidet in capite, ut in acropoli veneranda. Fortitudo & temperantia humiliū habitant. E tribus autem, velut in trichordo aureo sit harmonia longè suavissima, quam nominamus Justitiam; quæ quarta est virtus Cardinalis. Justum est, ut, quod est in homine præstantissimum, illud imperet; obedient verò, quæ deteriora existimantur. Ponamus igitur Rationem, moderante Prudentiâ, sceptro uti, parere concupiscentiam, aliasque partes inferiores: justissimus oritur dominatus, eadem Prudentiâ omnia dirigente; & quadriga illa per domos, urbes, provincias vehitur, convehens secum pacem, securitatem, fœlicitatem, & quandam bonorum omnium Cornucopiam.

III. Quapropter censendus est stare in ipso fœlicitatis apice, quisquis pervenerit ad culmen Prudentiæ: quia Prudentia attingit omne bonum potentia rationalis: illa potentia, gemma est intellectus,

&amp;

& voluntatis, utraque habet pro suo objecto aliquod bonum: intellectus, verum; voluntas, honestum. Jam vero Prudentia in primis perficit voluntatem, dum illi subministrat vires, nervos, robur; ut sine luctu, facile; sine ignavia, prompte; sine hæsitatione, firmiter in bonum suum, id est, honestum, feratur. Perficit & Intellectum, circa suum bonum, id est, verum; dum eum promptum, facile, & expeditum reddit ad assensum certum, & in eo firmatur, ut non abducatur ad falsum. Vir igitur consummatus prudentis, est summè felix, quia est simillimus felicitate, superis, qui immortali felicitate fruuntur: illorum enim felicitas in eo consistit; quod potentia rationalis, omnibus viribus, & modo perfectissimo tendat in bonum omni ex parte infinitum: intellectus in verum: voluntas in bonum. Jam vero, nemo in hac vita nec perspicacius penetrat, nec firmius adhaeret, nec clarius intelligit verum; quod est bonum intellectus, nec faciliter movetur, aut fortius fertur, aut saepius tendit in honestum, quod est bonum voluntatis, ut vir prudentis. Itaque haec sit clausula, haec summa omnium laudum, quæ profari possunt pro Prudentia: hic colophon ejus commendationis: haec coronis elogiorum ejus. Nemo in hac vita mortalifelicitior, aut perfectior viro prudente; cum Prudentia sit complexus omnis perfectionis, compendium omnis felicitatis. Sed haec felicitas, quæ nascitur ex Prudentia, non acquiritur stertendo, nec ludendo: quia

*Non fies prudens, si es multo tempore ludens;*